



REPUBLIKA E SHQIPERISE  
UNIVERSITETI POLITEKNIK I TIRANES

## **SSH.02 STANDARDET E ORGANIZIMIT**

### **SSH.02.01 Standardi i pergjithshem i organizimit**

UPT duhet te jete person juridik publik, me te drejtat dhe detyrimet e percaktuara ne aktin e krijimit te tij. UPT, si institucion i arsimit te larte, duhet te ofroje nje arsim te larte universitar, duke u krijuar, duke funksionuar dhe duke u akredituar ne perputhje me Ligjin "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007. Po ne perputhje me kete Ligj dhe aktet nenligjore ne zbatim te tij, UPT duhet te hartojte statutin dhe rregulloren.

UPT duhet te perfaqesoje nje strukturë, të përbërë dhe të integruar, që realizon arsimim të lartë, zhvillim të dijeve, shkencës, profesioneve dhe transmeton njohuri në fusha dhe disiplina shkencore dhe profesionale.

Struktura organizative e UPT duhet te percaktohet ne varesi te llojeve te programeve te studimit te akredituara qe ai ofron. Ai duhet te ofroje programe të studimeve për të tre ciklet, te nivelit te pare DNP, te nivelit te dyte DND dhe te nivelit te trete DNT.

Universiteti duhet te realizoje kërkim shkencor e të aplikuar dhe veprimtari krijuese, te ofroje shërbime, në përputhje me misionin e tij, te mbështese dhe realizoje aftësimin e personelit akademik.

Në varësi të misionit kryesor që ka, të përcaktuar në statutin e tij, UPT duhet te siguroje raportin e përshtatshëm ndërmjet mësimdhënies, kërkimit shkencor dhe shërbimeve që ofron.

Për kryerje të veprimtarive të arsimit dhe kërkimit me interes të përbashkët, UPT mund të bashkëpunojë me institucione të tjera: universitete, institucione kërkimore-shkencore, kulturore dhe ekonomike, publike dhe private. Për një bashkëpunim të tillë mund të krijohen qendra ndëruniversitare.

### **SSH.02.02 Standardi i njesive perberese organizative**

UPT, si institucion i arsimit te larte mund të ndahet në keto njësi përbërëse organizative: kryesore, bazë dhe ndihmëse.

Fakultetet, institutet e kërkimit dhe zhvillimit si dhe filialet e UPT duhet te konsiderohen njësi kryesore. UPT duhet te kete se paku dy fakultete.

Departamentet dhe qendrat e kërkimit dhe të zhvillimit te UPT duhet te konsiderohen njësi bazë.

Laboratorët, stacionet eksperimentale, njësitë didaktike, bibliotekat dhe njësi të tjera, që realizojnë studime, projektme dhe shërbime konsiderohen njësi ndihmëse.

UPT duhet te percaktojë vetë organizimin e brendshëm në statutin dhe rregulloret e tij, në përputhje me dispozitat e Ligjit "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007, dhe me aktet nenligjore që dalin në zbatim të tij.

### **SSH.02.03 Standardi i fakultetit**

Fakulteti i UPT është njësi kryesore, dhe duhet te bashkërendoje mësimdhënien, kërkimin shkencor dhe zhvillimin kulturor në fusha mësimore-kërkimore, të përafërta ose të ndërthurura.

Fakulteti duhet te ofroje programe të studimeve të llojeve dhe niveleve të ndryshme, në përfundim të të cilave përfitohet diplomë.

Fakulteti duhet te organizohet në njësi bazë. Çdo fakultet duhet te kete, së paku, tre të tilla, nga të cilat dy departamente.

Fakulteti mund të jetë edhe i tipit të asociuar. Në fakultetet e asociuara bashkohen disiplina, të cilat nuk përbëjnë një specialitet të institucionit. Fakultetet e asociuara nuk lëshojnë diplomë.

Struktura e fakultetit, përbërja, funksionimi, si dhe drejtimi i tij duhet te percaktohen në statutin dhe rregulloret e UPT.

UPT mund të hapë filialet e tij në rajone të tjera, jashtë selisë qendrore, për të ofruar programe të studimeve, kërkim shkencor e shërbime të ndryshme.

Kriteret dhe procedurat për hapjen e filialeve percaktohen në statut, në përputhje me Ligjin "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007.

### **SSH.02.04 Standardi i qendres dhe institutit te kerkimit dhe zhvillimit**

Qendrat dhe institutet e kërkimit dhe të zhvillimit të institucioneve të arsimit të lartë te UPT duhet te kryejnë veprimtari kërkimore-shkencore dhe zhvillimi, si dhe te marrin pjesë në realizimin e programeve të studimeve të ciklit të dytë dhe të ciklit të tretë.

Struktura e qendrave dhe instituteve të kërkimit dhe të zhvillimit, përbërja, funksionimi, si dhe drejtimi i tyre duhet të përcaktohen në statutin dhe rregulloret e UPT, në përputhje me dispozitat e Ligjit “PER ARSIMIN E LARTE NE REPUBLIKEN E SHQIPERISE”, Nr. 9741. dt. 21.05.2007, dhe me aktet nënligjore që dalin në zbatim të tij.

#### **SSH.02.05 Standardi i departamentit**

Departamenti në UPT është njësi bazë mësimore-kërkimore, që duhet të përfshijë fusha kërkimi homogjene dhe të grupeve disiplinat mësimore respektive.

Strukturë të ngjashme me departamentin duhet të kenë edhe qendrat e kërkimit dhe zhvillimit të UPT, fushat e kërkimit të cilave harmonizohen me interesa të departamenteve të fakultetit perkates.

Departamenti duhet të nxise, të bashkërendoje dhe të administroje veprimtaritë e mësimdhënies, veprimtaritë kërkimore, duke respektuar liritë akademike të personelit akademik dhe të drejtën e tij për të shfrytëzuar burimet materiale dhe financiare në dispozicion të departamentit.

Departamenti duhet të ketë në përbërje të tij të paktën 7 anëtarë efektivë si personel akademik, ndër të cilët të paktën 3 duhet të jenë me grada dhe tituj.

Departamenti mund të organizohet në grupe mësimore e kërkimore. Këto organizime mund të kenë edhe karakter të përkohshëm. Titullarët e grupeve duhet të përzgjidhen me konkurrim dhe të emërohen nga autoriteti drejtues i njësisë kryesore për një periudhë 4-vjeçare ose për periudhën që përputhet me kohëzgjatjen e funksionimit të grupit.

#### **SSH.02.06 Standardi i organeve drejtuese**

UPT duhet të ketë keto organe drejtuese dhe administruese: senatin akademik, rektoratin, këshillin e administrimit, këshillin e etikës dhe këshillin e fakultetit.

UPT mund të formojnë dhe organe të tjera, në përputhje me misionin dhe veprimtaritë e tij.

#### **SSH.02.07 Standardi i senatit akademik**

Senati akademik duhet të jete organ kolegjal vendimmarrës i UPT, që përcakton politikat e zhvillimit të institucionit, programon, bashkërendon, drejton dhe kontrollon veprimtaritë e mësimdhënies e të kërkimit shkencor dhe vlerëson efikasitetin e tyre. Senati akademik duhet të kryesohet nga rektori dhe të mbledhet periodikisht.

Funksionet kryesore të senatit akademik duhet të jene:

- a) garantimi i respektimit të parimeve të autonomisë dhe mundësive të barabarta të lirisë akademike e të kërkimit, si dhe të drejtat e studentëve;
- b) miratimi i planit disavjeçar të zhvillimit të institucionit dhe i programit vjetor të veprimtarive të tij;
- c) vendosja projektbuxhetit të institucionit, pasi merr miratimin nga këshilli i administrimit;
- ç) miratimi i ndarjen se burimeve financiare;
- d) miratimi i projektstatutit të UPT;
- dh) miratimi i rregulloreve të UPT, që janë kompetencë e tij;
- e) vlerësimi dhe miratimi i programet e reja të studimit, të kërkimit e zhvillimit dhe i hapjes ndryshimit ose mbylljes se njësisive mësimore ose kërkimore;
- ë) vlerësimi, garantimi dhe mbajtja përgjegjësi për sigurimin e brendshëm të cilësisë në institucion, në përputhje me standardet shtetërore;
- f) vlerësimi i veprimtarise mësimore-kërkimore të personelit akademik;
- g) sigurimi i kryerjes dhe i vlerësimit të gjitha provimeve në përputhje me standardet e institucionit, që garantojnë cilësinë dhe transparencën e duhur etj.

Senati akademik duhet të kërkoje mendimin e këshillit të administrimit për probleme që janë kompetencë e këtij të fundit.

Funksionimi i senatit akademik, përbërja, si dhe të drejta dhe detyra të tjera të tij duhet të përcaktohen në statutin e UPT, në përputhje me Ligjin “PER ARSIMIN E LARTE NE REPUBLIKEN E SHQIPERISE”, Nr. 9741. dt. 21.05.2007.

## SSH.02.08 Standardi i rektoratit

Rektorati i UPT duhet te jete organ kolegjal ekzekutiv, dhe duhet te përbëhet nga:

- a) rektori;
- b) zëvendësrektori/ët;
- c) dekani/drejtori i çdo fakulteti dhe njësie tjetër kryesore;
- ç) kancelari i institucionit.

Rektorati duhet te kryesohet nga rektori.

Funksionet kryesore të rektoratit duhet te jene:

- a) hartimi i planit disavjeçar të zhvillimit të institucionit;
- b) hartimi i programit vjetor të veprimtarive, si dhe ndjekja e zbatimit te tij pas miratimit në senatin akademik;
- c) formulimi i kritereve për shpërndarjen e burimeve financiare, materiale dhe njerëzore;
- ç) parashtrimi i përparësive mes kërkesave konkurruese për financime mes njësive kryesore të institucionit;
- d) hartimi dhe propozimi i projektbuxhetit për miratim në senatin akademik;
- dh) hartimi i planit për investime, kontratat dhe marrëveshjet, që janë kompetencë e tij;
- e) paraqitja e rekomandimeve për projektet për programet e studimeve, të kërkimit shkencor dhe ndryshimet e nevojshme strukturore për realizimin e tyre;
- ë) zbatimi i të gjitha vendimet te miratuara nga senati akademik dhe këshilli i administrimit;
- f) monitorimi dhe publikimi i rezultateve te vlerësimit të veprimtarive të institucionit;
- g) përgatitja e marrëveshjes ndërmjet UPT dhe MASH për rregullat e financimit;
- gj) propozimi i strukturës se përgjithshme dhe numrit te personelit të institucionit për të gjitha nivelet;
- h) përgatitja e rregullores se tij të punës, që miratohet nga senati akademik.

Rektorati duhet te kërkoje mendimin e senatit akademik dhe të këshillit të administrimit për aspekte të kompetencës së këtyre të fundit.

Rektorati duhet te raportoje një herë në semestër në senatin akademik dhe në këshillin e administrimit.

Rektorati duhet te hartoje raportin vjetor të veprimtarisë mësimore-kërkimore dhe financiare dhe t'ia paraqese atë për miratim senatit akademik dhe këshillit të administrimit brenda datës 20 dhjetor të çdo viti.

Rektorati mund t'ia delegojë kompetencat personelit apo organit tjetër të UPT, në përputhje me rregulloren e tij.

Në statutin e UPT, në përputhje me Ligjin Ligjin "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007, duhet te përcaktohen të drejta dhe detyra të tjera, si dhe funksionimi i rektoratit.

## SSH.02.09 Standardi i këshillit te administrimit

Në UPT duhet te ngrihet dhe funksionojë këshilli i administrimit. **Këshilli i administrimit duhet te jete organ kolegjal vendimmarrës**, që mbikëqyr e kontrollon veprimtaritë e UPT, që lidhen me menaxhimin administrativ, financiar, ekonomik dhe të pronave të tij.

Funksionet kryesore të këshillit të administrimit duhet te jene:

- a) miratimi i kritereve për ndarjen e burimeve financiare;
- b) miratimi, me kërkesën e senatit akademik, i projektbuxhetit te institucionit me dy të tretat e votave;
- c) vlerësimi i efikasitetit te përdorimit të fondeve nga Buxheti i Shtetit ose burime të tjera të ligjshme dhe publikimi i rezultateve te vlerësimit;
- ç) miratimi i strukturës dhe numrit te personelit të institucionit për të gjitha nivelet;
- d) miratimi i raportit vjetor financiar të paraqitur nga rektorati;
- dh) vlerësimi i planit te zhvillimit të institucionit e i programit vjetor të veprimtarive të tij;
- e) miratimi i rregullores se brendshme për administrimin, financat dhe kontabilitetin;

ë) miratimi i rregullores se funksionimit të tij.

Rektori dhe kancelari i UPT mund të marrin pjesë në mbledhjet e këshillit të administrimit, pa të drejtë vote, kur e vlerësojnë ata vetë, si dhe kur thirren nga ky këshill.

Këshilli i administrimit duhet te përbëhet nga:

- a) anëtarë të personelit akademik, së paku me gradë shkencore, të zgjedhur drejtpërdrejt nga personeli akademik i çdo njësie kryesore të UPT;
- b) anëtarë të caktuar nga MASH, përfaqësues nga fushat e shkencës, ekonomisë, kulturës, autoritete të pushtetit qendror dhe vendor;
- c) një anëtar, përfaqësues i zgjedhur nga këshilli i studentëve të UPT.

**Anëtarët, sipas shkronjës “b” të mesiperme, duhet te caktohen dhe te shkarkohen nga Ministri i Arsimit dhe Shkencës.** Numri i anëtarëve të caktuar duhet te jete një më pak se gjysma e numrit të anëtarëve të këshillit të administrimit. Këshilli i administrimit duhet te zgjedhe kryetarin, prej anëtarëve të brendshëm të tij, me dy të tretat e votave të të gjithë anëtarëve.

Anëtarësia në këshillin e administrimit duhet te jete e papajtueshme me detyrën e anëtarit të senatit akademik, të zëvendësrektorëve, të dekanëve/drejtorëve dhe të zëvendësdekanëve/ zëvendësrektorëve.

Në statutin e UPT, në përputhje me Ligjin “PER ARSIMIN E LARTE NE REPUBLIKEN E SHQIPERISE”, Nr. 9741. dt. 21.05.2007, duhet te përcaktohen të drejta dhe detyra të tjera të këshillit të administrimit, numri, përbërja, mandati, mënyra e zgjedhjes së anëtarëve, sipas shkronjës “a” të mesiperme, si dhe funksionimi i këshillit.

#### **SSH.02.10 Standardi i këshillit te etikës**

Këshilli i etikës duhet te ngrihet pranë UPT dhe duhet te diskutoje probleme të etikës së jetës universitare. Ai duhet t’i beje propozime rektorit për këto çështje.

Anëtarët e këshillit të etikës duhet te përzgjidhen nga senati akademik. Këshilla të etikës mund të ngrihen edhe pranë fakulteteve.

Përbërja, të drejtat, detyrat, organizimi e funksionimi i këshillit të etikës duhet te përcaktohen në statutin e UPT, si dhe në rregulloren e tij të brendshme.

#### **SSH.02.11 Standardi i këshillit te fakultetit dhe i njësive të tjera kryesore**

**Këshilli i fakultetit duhet te jete organ kolegjal vendimmarrës,** që programon e përcakton, në bazë të propozimeve të departamenteve, përdorimin e burimeve njerëzore dhe materiale në dispozicion të fakultetit. Ai propozon për programe të reja studimi ose të kërkimit shkencor; për hapje, ndryshim ose mbyllje departamentesh ose njësisish të tjera; merr vendime për problemet financiare të fakultetit, në përputhje me autoritetin që i është deleguar atij; shqyrton dhe miraton raportin vjetor të dekanit për veprimtarinë mësimore dhe kërkimin shkencor. Këshilli i fakultetit duhet t’i propozojë senatit akademik planin strategjik të zhvillimit të fakultetit dhe duhet te mbikëqyre realizimin e tij.

Këshilli i fakultetit duhet te kryesohet nga dekan.

Në statutin e UPT duhet te përcaktohen, në përputhje me Ligjin “PER ARSIMIN E LARTE NE REPUBLIKEN E SHQIPERISE”, Nr. 9741. dt. 21.05.2007, të drejta dhe detyra të tjera, si dhe funksionimi i këshillit të fakultetit.

**Këshillat e njësive të tjera kryesore të UPT duhet te jene organe kolegjiiale,** me funksione të ngjashme me ato të këshillit të fakultetit. Detyra specifike të tyre, funksionimi dhe përbërja përcaktohen në statutin e UPT dhe në rregulloret e tij.

#### **SSH.02.12 Standardi i keshillit te profesoreve**

Për organizimin dhe drejtimin e studimeve të doktoratës dhe të kualifikimit shkencor e pedagogjik pas doktoratës, në fakultetet e UPT, të cilat ofrojnë programe studimi të ciklit të tretë, duhet te ngrihet këshilli i profesorëve.

Ne keshillin e profesoreve duhet te bejne pjese te gjithë profesorët me kohe te plote te fakultetit. Numri minimal i profesore ve te keshillit duhet te jete shtate veta.

Ne rast se numri i profesoreve te fakultetit eshte me i vogel se shtate, per te rritur kete numer ne keshill

mund të thirren profesore nga fusha të afërta, nga fakultetet e tjera, brenda UPT, profesore të ftuar apo me kontrate të fakultetit ose anetare, me titullin “Profesor i Asociuar”, që janë në procesin e aplikimit për titullin “Profesor”.

Nje profesor duhet t’ a drejtoje keshillin e profesoreve, me rotacion, per nje vit akademik.

Përbërja, detyrat dhe funksionimi i këshillit të profesorëve duhet të përcaktohen në statutin e UPT dhe në akte të tjera nënligjore.

### **SSH.02.13 Standardi i autoriteteve drejtuese në UPT**

**Autoritete drejtuese në UPT duhet të jenë:**

- a) rektori;
- b) dekani/drejtori;
- c) përgjegjësi i departamentit/qendrës së kërkimit dhe zhvillimit.

Rektori duhet të jete autoriteti drejtues i UPT, i cili e përfaqëson atë dhe vepron në emër dhe për llogari të tij.

Dekani duhet të jete autoriteti drejtues i fakultetit dhe përfaqësuesi ligjor i tij.

Drejtori është autoriteti drejtues i një instituti të kërkimit dhe zhvillimit ose i një filiali (në rast se ai nuk ka statusin e fakultetit ose të departamentit) dhe e përfaqëson atë.

Autoritetet drejtuese në UPT: rektori dhe dekani/drejtori duhet të kenë, të paktën, titullin “Profesor i asociuar”. Përgjegjësi i departamentit/qendrës së kërkimit dhe zhvillimit duhet të ketë, të paktën, gradën shkencore “Doktor”.

Për postin e autoriteteve, të përcaktuara me siper, mund të konkurrojnë individë të personelit akademik të institucionit të arsimit të lartë ose individë jashtë tij. **Këta të fundit, në rastin kur rezultojnë fitues, duhet të bëhen anëtarë të personelit akademik të insitucionit.**

Kritere të tjera, që duhet të plotësojnë autoritetet drejtuese ose anëtarët e organeve drejtuese, detyrat dhe të drejtat e këtyre autoriteteve, **që burojnë nga ky ligj**, duhet të përcaktohen në statutin dhe rregulloret e UPT.

### **SSH.02.14 Standardi i zgjedhjes se organeve dhe e autoriteteve drejtuese ne UPT**

Në UPT organet dhe autoritetet e tij drejtuese duhet të zgjidhen.

Organet drejtuese të UPT duhet të përcaktohen si më poshtë:

- a) senati akademik duhet të përbëhet nga anëtarë, personel akademik, personel joakademik dhe studentë, të cilët zgjidhen drejtpërdrejt nga grupet përkatëse të anëtarëve të institucionit;
- b) këshilli i fakultetit duhet të përbëhet nga anëtarë të personelit akademik, të personelit joakademik dhe studentë, të zgjedhur drejtpërdrejt nga grupet përkatëse të anëtarëve të fakultetit;
- c) këshilli i instituteve të kërkimit dhe zhvillimit duhet të përbëhet nga anëtarë të personelit të tyre akademik dhe përfaqësues të personelit joakademik, të zgjedhur drejtpërdrejt nga grupet përkatëse të anëtarëve të institutit;
- d) senatet akademike dhe këshillat e fakulteteve, **të instituteve dhe të qendrave duhet të përbëhen 15 për qind nga studentë**, 5 për qind nga personel joakademik dhe pjesa tjetër nga personel akademik.

Autoritetet drejtuese në UPT duhet të zgjidhen sipas modaliteteve të mëposhtme:

- a) rektori i institucioneve publike të arsimit të lartë duhet të zgjidhet me votim të fshehtë nga i gjithë personeli akademik, personeli joakademik dhe studentët e institucionit;
- b) dekani/drejtori duhet të zgjidhet me votim të fshehtë nga i gjithë personeli akademik, personeli joakademik dhe **studentët e fakultetit/institutit të kërkimit dhe zhvillimit**;
- c) përgjegjësi i departamentit/qendrës së kërkimit dhe zhvillimit zgjidhet me votim të fshehtë nga i gjithë personeli akademik respektiv.

Në zgjedhjen e autoriteteve drejtuese, votat e studentëve dhe votat e personelit joakademik duhet të përlllogariten me përqindje, ato vlejné 20 për qind në totalin e përgjithshëm të votave për studentët dhe 5 për qind në totalin e përgjithshëm të votave për personelin joakademik.

**Presidenti i Republikës duhet të emërojë rektorin e zgjedhur.** Rektorin duhet të emërojë dekanin/drejtorin e zgjedhur. Dekani/drejtori duhet të emërojë përgjegjës të departamentit/ qendrës së kërkimit dhe zhvillimit.

Ministri i Arsimit dhe Shkencës duhet të shpallë ditën e fillimit të procesit zgjedhor në UPT. Zgjedhjet duhet të zhvillohen sipas rregullores së zgjedhjeve, të përgatitur dhe miratuar nga UPT, në përputhje me Ligjin “PER ARSIMIN E LARTE NE REPUBLIKEN E SHQIPERISE”, Nr. 9741. dt. 21.05.2007. Rregullorja e zgjedhjeve duhet të përcaktojë procedurat dhe kriteret për organizimin e zgjedhjeve në të gjitha nivelet për organet dhe autoritetet drejtuese në UPT.

### **SSH.02.15 Standardi i autoriteteve të tjera të UPT**

Autoritete të tjera të UPT duhet të jënë:

- a) kancelari i institucionit;
- b) zëvendësrektor/ët;
- c) zëvendësdekani/ët apo zëvendësdekan/drejtor/ët;
- ç) kancelari i fakultetit ose i njësive të tjera kryesore.

Kancelari i institucionit duhet të jetë përgjegjës për drejtimin e përditshëm, administrativ dhe financiar të institucionit, për zbatimin e buxhetit, për mbikëqyrjen dhe kontrollin e veprimeve financiare, si dhe për zbatimin e ligjshmërisë.

Kandidatura për kancelar të UPT duhet të përzgjidhet nga këshilli i administrimit dhe rektori duhet t’ia paraqesë atë Ministrisë të Arsimit dhe Shkencës për miratim. Kancelari i UPT duhet të ketë formim universitar, juridik ose ekonomik dhe së paku 5 vjet përvojë pune. Procedura e përzgjedhjes dhe emërimit të kancelarit të UPT duhet të përcaktohet me akt të veçantë.

Zëvendësrektorët duhet të emërohen dhe shkarkohen nga rektori, pas miratimit të kandidatave të propozuara prej tij në senatin akademik.

Zëvendësdekanët/zëvendësdekan/drejtorët duhet të emërohen dhe shkarkohen nga dekan/drejtori pas miratimit të kandidatave të propozuara prej tij në këshillin e fakultetit/institutit të kërkimit dhe zhvillimit.

Kancelari i fakultetit ose i njësive të tjera kryesore duhet të jetë përgjegjës për drejtimin e përditshëm, administrativ dhe financiar të fakultetit, për zbatimin e buxhetit, për mbikëqyrjen dhe kontrollin e veprimeve financiare, si dhe për zbatimin e ligjshmërisë.

Kancelari i fakultetit ose i njësive të tjera kryesore duhet të ketë formim universitar, juridik ose ekonomik dhe së paku 5 vjet përvojë pune. Ai duhet të emrohet nga rektori mes tri kandidatave të propozuara nga këshilli i administrimit të UPT.

UPT duhet të përcaktojë në statutin dhe rregulloret e tij të drejta dhe detyra të tjera të këtyre autoriteteve, si dhe kualifikimet respektive.

### **SSH.02.16 Standardi i kohëzgjatjes së mandatit për organet dhe autoritetet drejtuese**

Organet dhe autoritetet drejtuese në UPT duhet të zgjidhen për një mandat 4-vjeçar. **Autoritetet drejtuese zgjidhen deri në dy herë radhazi në të njëjtin funksion.** Autoriteti i UPT, që konkurren në mandatin e dytë për të njëjtin funksion, duhet të sigurojë 60 për qind të numrit të vlefshëm votave për t’u shpallur fitues.

**Rektori i UPT duhet të emërohet nga Presidenti i Republikës, sipas propozimit të bërë nga MASH, me një mandat njëvjeçar në drejtim.** Ky mandat mund të përsëritet, por jo më shumë se dy herë radhazi.

**Rektori, i emëruar sipas pikës 2 të këtij neni,** duhet të caktojë dekanin/drejtorin. Dekani/drejtori i emëruar duhet të caktojë përgjegjës të departamentit/qendrës së kërkimit dhe zhvillimit.

Postet për autoritetet drejtuese, të përmendur më sipër, kriteret që këto autoritete duhet të plotësojnë dhe procedurat për përzgjedhjen e tyre duhet të bëhen publike.

### **SSH.02.17 Standardi i kontrollit të ligjshmërisë**

Në raste flagrante ose shkelje të rënda të ligjit dhe akteve nënligjore nga një autoritet drejtues i një njësie kryesore, rektori i UPT duhet të urdhërojë pezullimin e atij autoriteti dhe duhet t’i propozojë MASH shkarkimin e tij, i cili shprehet brenda një muaji. Rektorin duhet të caktojë njërin prej zëvendësve të autoritetit që do ta zëvendësojë autoritetin drejtues të pezulluar deri në zgjedhjen e autoritetit të ri, sipas Ligjit “PER ARSIMIN E LARTE NE REPUBLIKEN E SHQIPERISE”, Nr. 9741. dt.



21.05.2007. Rektori duhet te organizoje zgjedhjet e parakohshme.

Në raste të ngjashme, dekani/drejtori duhet te urdhëroje pezullimin e përgjegjësit të një njësie bazë dhe duhet t'i propozojë rektorit shkarkimin e tij, i cili shprehet brenda një muaji. Dekani/drejtori duhet te caktojë njërin prej përgjegjësve të grupeve kërkimore ose shkencore që do ta zëvendësojë autoritetin drejtues të pezulluar deri në zgjedhjen e autoritetit të ri, sipas Ligjit "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007. Dekani/drejtori duhet te organizoje zgjedhjet e parakohshme.

Në rastet kur MASH konstaton raste flagrante ose shkelje të rënda të ligjit dhe akteve nënligjore nga një autoritet drejtues i një njësie kryesore ose bazë të UPT, ministri i përcjell materialin organit të emërtesës për veprime të mëtejshme, sipas Ligjit "PER ARSIMIN E LARTE NE REPUBLIKEN E SHQIPERISE", Nr. 9741. dt. 21.05.2007.

1. Ministria e Arsimit dhe Shkencës kryen periodikisht, të paktën një herë në tre vjet, kontrollin e zbatimit të ligjshmërisë në institucionet publike ose private të arsimit të lartë dhe të paktën një herë në vit kontroll financiar në institucionet publike të arsimit të lartë.

2. Ministria e Arsimit dhe Shkencës ka të drejtë të shfuqizojë çdo akt të nxjerrë nga autoritetet apo organet drejtuese të institucioneve të arsimit të lartë kur këto akte vijnë në kundërshtim me këtë ligj.

3. Në raste flagrante ose shkelje të rënda të ligjit dhe akteve nënligjore nga rektori i një institucioni të arsimit të lartë, Ministri i Arsimit dhe Shkencës urdhëron pezullimin e tij, duke ia dërguar atë për procedura të mëtejshme Presidentit të Republikës, i cili duhet të përgjigjet brenda një muaji. Ministri i Arsimit dhe Shkencës cakton njërin prej zëvendësrektorëve që do të zëvendësojë rektorin e pezulluar, deri në zgjedhjen e rektorit të ri, sipas këtij ligji. Ministri i Arsimit dhe Shkencës, menjëherë pas dekretimit të shkarkimit, shpall zgjedhje të parakohshme.

4. Në raste flagrante ose shkelje të rënda të ligjit dhe akteve nënligjore nga një autoritet drejtues i një njësie kryesore, rektori urdhëron pezullimin e atij autoriteti dhe i propozon Ministrin të Arsimit dhe Shkencës shkarkimin e tij, i cili shprehet brenda një muaji. Rektori cakton njërin prej zëvendësve të autoritetit që do ta zëvendësojë autoritetin drejtues të pezulluar deri në zgjedhjen e autoritetit të ri, sipas këtij ligji. Rektori organizon zgjedhjet e parakohshme.

5. Në raste të ngjashme, dekani/drejtori urdhëron pezullimin e përgjegjësit të një njësie bazë dhe i propozon rektorit shkarkimin e tij, i cili shprehet brenda një muaji. Dekani/drejtori cakton njërin prej përgjegjësve të grupeve kërkimore ose shkencore që do ta zëvendësojë autoritetin drejtues të pezulluar deri në zgjedhjen e autoritetit të ri, sipas këtij ligji. Dekani/drejtori organizon zgjedhjet e parakohshme.

6. Në rastet kur Ministria e Arsimit dhe Shkencës konstaton raste flagrante ose shkelje të rënda të ligjit dhe akteve nënligjore nga një autoritet drejtues i një njësie kryesore ose bazë të një institucioni të arsimit të lartë, ministri i përcjell materialin organit të emërtesës për veprime të mëtejshme, sipas këtij ligji.

7. Ministri i Brendshëm ka të njëjtin autoritet mbi institucionet e arsimit të lartë që ka në varësi.

#### **SSH.02.18 Standardi i mbylljes dhe ndryshimit te UPT**

Mbyllja e UPT ose bashkimi me ndonjë institucion tjetër publik të arsimit të lartë, duhet te bëhet me vendim të Këshillit të Ministrave me propozim të MASH.



Mbyllja e UPT apo bashkimi me ndonjë institucion tjetër të arsimit të lartë duhet te kërkoje paraprakisht mendimin e senatit akademik ose senateve akademike të institucioneve të arsimit të lartë, të përfshira në veprimet respektive.

Standardet, kriteret dhe procedurat për ndryshimin dhe mbylljen e UPT duhet te miratohen nga Këshilli i Ministrave, sipas propozimit të MASH.

Hapja e njësive kryesore ne UPT duhet te bëhet mbi bazën e propozimit të UPT, me vendim të Këshillit të Ministrave.

MASH, para se të marrë vendim per hapje ose mbyllje, duhet te kërkoje vlerësimin e Këshillit të Akreditimit të Arsimit të Lartë.